

Nuwe Lied Bediening



Hy het 'n nuwe lied in my mond gegee, 'n lofprijsing tot ons God sodat baie dit sal sien en respektyvol vrees en op Yahuah vertrou. Ps.40:3.

Yeshua is die Boom van die Lewe. Wanneer ons die Torah bestudeer moet ons onthou dat Yeshua Die Gesalfde Een die Lewende Torah is – die Woord van יהוה wat vlees geword het – die Torah van Malki-Tzedek. Hy is die weg na die waarheid wat lewe gee – die Lewende Manna wat uit die hemel gestuur is. Sonder Yeshua wat deur die Afgesonderde Gees in ons, en deur ons lewe, sal die Torah van יהוה net die dooie letter van die wet wees!!
Yeshua is die hart van die Vader!

Parashah 42: Mattot – Stamme

Moshe het met die hoofde van die stamme van die kinders van Yisra'el gepraat en gesê: "Hierdie is dit wat יהוה beveel het". Num. 30:1 – PWL¹

Torah : Num. 30:1 tot 32:42

Haftorah: Jer. 1:1 tot 2:3

Nuwe Verbond: Matt. 5:33 tot 37; Hand. 5:1 tot 11; Gal. 5:19 tot 23; Kol. 3:5 tot 8.

Parashah 43: Masei – Reistogte

Dit is die reise van die seuns van Yisra'el wat uit Mitzrayim uitgetrek het volgens hulle leërafdelings, onder die leierskap van Moshe en Aharon. Num. 23:1

Torah: Num. 33:1 tot 36:13.

Haftorah: Jeremia 2:4 tot 28 and 3:4.

Nuwe Verbond: Hebr. 11:13; 1 Peter 2:11; Rom. 8:13; Rom. 13:14; 2 Kor. 5:20; 2 Kor. 7:1; Gal. 5:16 en 17; Efes. 4:1; 2 Tim. 2:22; 1 Pet. 1:7; 1 Pet. 4:2; 1 Joh. 2:15 tot 17; Jak 4:1 tot 12; 2 Kor. 10:3 tot 6; Efes. 6:10 tot 18; Luk. 22:30; Open. 21:12.

Vorige notas vir Parashah 42 en 43 kan afgelaai word by: http://nuwelied.info/?page_id=1182

If it is in the Bible, it is so. It's not even to be prayed about. It's to be received and acted upon. – Smith Wiggelsworth.

¹ Alle teksverwysings is geneem uit PWL (Pad van Waarheid tot die Lewe) Vertaling (www.padwlewe.ch), behalwe waar anders vermeld. Om 'n kopie van die Bybel te bekom kan Gerrie Coetzee per e-pos by gerrie@padwlewe.ch gekontak word of telefonies by 074 361 2134.

Before a man can bind the enemy, he must know there is nothing binding him – Smith Wiggelsworth.

The Bible definitely is infallible, how else could it survive so many years of bad preaching? – Leonard Ravenhill

What Do You Believe?

I asked this question: 'why is it so easy for people to believe in lies?' Why? Because lies appeal to the carnal and fleshy mind. Truth must be received in the spirit of a person for it to become reality to a person. If truth is continually seen as the enemy, it will never be embraced by people. Lies are easily believed because they creep in slowly, and before a person knows it, they are believing in something they would have otherwise immediately rejected if it had come right up to them and introduced itself saying, "My name is Lie."

Truth is rejected often times by people, because it does not conform to what they have always been taught. Truth DOES make itself known upfront saying, "My name is Truth!" It doesn't care if it is received or not because it cannot be anything other than what it is. Truth wears no mask or disguise. Truth parallels the light. Light cannot creep in slowly, as hiding under a cloak. Light is either on or off; opposed or accepted; ran from or received. This is the nature of truth. And as Messiah referenced, "do not hide it under a barrel, but place it on a table so that all who enter the house can enjoy its light." (The Well Trodden Road)

Die volledige artikel is beskikbaar by: <http://www.thewelltroddenroad.org/what-do-you-believe/>

Torah Bespreking

Hersiening

In verlede week se Torahstudie (Parashah 41) het ons geleer van die ywer en jaloesie van Pingas wat vir ons 'n sinnebeeld is van die ywer en jaloesie wat ons elkeen ook behoort te hê, want dit is die ywer vir יהוה ons Vader-God en vir Sy onpartydige opregtheid. Pingas het met יהוה se jaloesie onder Yisra'el opgetree.

Nou dat Yisra'el aan die einde van hulle swerftog in die wildernis gekom het, kan ons ook vra of hulle met dieselfde gesindheid as Pingas gaan optree wanneer hulle die Beloofde Land, Kena'an in besit gaan neem?

In die lig van voortsnellende wêreldgebeure en Skrifteprofesie dui alles daarop dat, soos Sha'ul dit in 1Kor. 10:11 stel, die einde van die wêreld aangebreek het. Soos Yisra'el van ouds staan ons ook op die punt om 'n nuwe fase en tydperk van ons geloofslewe te betree. Is jy en ek gereed daarvoor? Het ons geleer hoe om die toekoms, wat in vele opsigte onseker is, met vertroue in te stap? Is ons die geslag wat die Hemelse Koninkryk in besit gaan neem.

Soos Yisra'el van ouds is daar 'n deurtog deur 'n 'Yardenrivier' wat op ons wag. Ons vertroue in יהוה se onverdiende guns in Yeshua gaan getoets word soos nooit van te vore nie! Soos eindtyd gebeure voor ons ontvou moet ons onthou: *Things are not falling apart; they are falling in place.*

‘n Baie ou Romeinse slagspreuk is: *If you want peace; prepare for war!* Daarom gaan ons geestelike gereedheid deurslaggewend wees in die tye wat op hande is!

Torah Bespreking

Waar Is Die Y’hoshua Generasie?

In die voorlaaste parashah van Numeri is die Y’hoshua-generasie op die punt om oor die Yarden te trek en die Beloofde Land, Kena’an, in besit te neem. Hierdie is geen maklike taak nie, want Kena’an word bewoon deur ses heidense volke wat oorwin sal moet word (Ex. 34:11-16) en verder sal Yisra’el getoets (beproof) word om te sien of hulle uit die foute van hulle ouers geleer het. Het hulle van die slawementaliteit ontslae geraak? Is Mitzrayim uit hulle uit? Het hulle geleer om יהוה in alles gehoorsaam te wees en in alles te vertrou? Is hulle gereed om die belofte wat יהוה aan hulle vader Avraham gemaak het (Gen. 15:7 en 18 tot 21) in besit te neem?

Ons moet onthou dat יהוה Yisra’el opdrag gegee het om Kena’an in besit te gaan neem.

²⁴Ek het vir julle gesê: ‘Julle sal hulle land bewoon en Ek sal dit aan julle as besitting gee, ’n land wat vloei van melk en heuning. Ek is יהוה, julle God, wat julle van die volke afgesonder het;

²⁵daarom moet julle ’n onderskeid tref tussen die rein en onrein diere en tussen die onrein en rein voëls; moenie julle lewens verwerplik maak deur diere of deur voëls of deur enige iets wat op die aarde beweeg, wat Ek van julle afgesonder het deur dit onrein te verklaar, nie.

²⁶Julle moet afgesonder wees tot My, want Ek, יהוה, is afgesonderd en Ek het julle van die volke af afgesonder om Myne te wees. Lev. 20:24 tot 26.

Om Kena’an in besit te neem vereis ’n daadwerklike optrede deur Yisra’el. Die feit dat יהוה belowe dat Hy Kena’an as besitting aan hulle sal gee beteken nie dat Yisra’el op hulle louere kan rus en wag dat alles vanself sal gebeur nie. Nee, dit beteken dat daar ’n vyand is wat oorwin moet word en dat יהוה se Koninkryk in die Beloofde Land gevestig moet word!

In vele opsigte kan ons met die Y’hoshua-generasie identifiseer, want ons moet ook die ‘Beloofde Land’, naamlik daar waar ons woon en werk, in besit neem en יהוה se Koninkryk daar vestig. Dit is die opdrag van Yeshua ons Meester in Matt. 28:18-20:

¹⁸Yeshua het nadergekom en met hulle gepraat en vir hulle gesê: “Alle outoriteit in die hemel en op aarde is aan My gegee en soos die Vader My gestuur het, so stuur Ek julle.

¹⁹Gaan daarvolgens, maak studentevolginge van al die nasies, doop hulle in die Outoriteit en Karakter van die Vader en die Seun en die Gees van Afsondering

²⁰en onderrig hulle sodat hulle alles sal gehoorsaam wat Ek julle beveel het en let op, Ek is saam met julle al die dae tot aan die einde van die heelal. Dit is waar.”

Soos Moses twaalf stamhoofde met die nodige uitvoerende gesag aangestel het; so het Yeshua twaalf dissipels met die nodige uitvoerende gesag aangestel. Beide die stamhoofde en die dissipels se opdrag was dieselfde, naamlik: Neem die grondgebied wat aan die vyand behoort in besit en vestig יהוה se Koninkryk!

Die waarskuwing aan beide groepe is ook dieselfde, naamlik moenie geestelik hoereer nie!!

¹¹Wees seker om te gehoorsaam wat Ek jou op dié dag beveel. Let op, Ek gaan die Emoriete, Kena’aniete, Hittiete, P’riziete, Hiviete en Y’vusiete voor jou uit verdryf.

¹²Pas jouself op dat jy geen verbond sluit met die inwoners van die land waarheen jy gaan nie sodat dit nie miskien 'n strik tussen julle word nie,
¹³maar jy moet hulle altare vernietig, hulle afgesonderde pilare afbreek en hulle pale afkap,
¹⁴want jy mag jou nie neerbuig voor enige ander god nie, want יהוה se Karakter en Outoriteit is jaloers; 'n jaloerse Magtige God is Hy,
¹⁵anders sal julle 'n verbond sluit met die inwoners van die land en agter hulle gode aan hoereer en aan hulle gode offer en iemand sal jou uitnooi en jy sal van sy offers eet
¹⁶en jy sal van sy dogters vat vir jou seuns en sy dogters sal agter hulle gode aan hoereer en jou seuns agter hulle gode aan laat hoereer.
¹⁷Jy mag vir jou geen gegote gode maak nie. Ex. 34:11 tot 17.

Die Y'hoshua-generasie het aanvanklik gehoor gegee aan יהוה se opdrag. Hulle het Kena'an in besit geneem en יהוה se Torahkoninkryk daar gevestig. Latere generasies het egter afgewyk van Torahgehoorsaamheid en ook ander gode begin dien.

Presies dieselfde het sowat 1400 jaar later gebeur. Die gemeente van Handeling 6 het onder die leiding van die apostels יהוה se Koninkryk van vergifnis van sonde in Yeshua, dié Gesalfde Een verkondig en die herstel van Torahgehoorsaamheid in gemeentes gevestig. Aanvanklik het hulle die grondgebied van die valse leringe van die Fariseërs en Saduseërs in die Naam van Yeshua in besit geneem. Die apostels *het uitgegaan en in elke plek verkondig en ons Meester het hulle gehelp en die boodskap bevestig deur die tekens wat hulle gedoen het* (Mark. 16:20).

Maar soos Yisra'el van ouds het die nageslagte van Yisra'el van die nuwe verbond ook geestelik begin hoereer tot die mate dat hulle יהוה se Torah verwerp.

Die Joshua-generasie het verdwyn! Waar is die generasie wat bereid is om יהוה se Torahkoninkryk te vestig deur die vyand se grondgebied in besit te neem? Waar is die studentevolgelinge van Yeshua met 'n gesindheid van Pingas?

Selfs ons wat teruggekeer het tot Torahgehoorsaamheid soos in Yeshua vervul is, moet herinner word dat ons in 'n oorlog betrokke is. Soos Paulus dit duidelik stel:

¹⁰Wees daarom, my broers, versterk in ons Meester en in die grootheid van Sy krag.
¹¹Trek al die wapenrusting van God aan sodat julle in staat is om staande te kan bly teen die strategieë van die teëstander,
¹²want julle geveg is nie teen vlees en bloed nie, maar teen die heersers, teen die outoriteite, teen die heersers van hierdie wêreld van duisternis en teen bose geeste onder die hemel. Efes. 6:10 tot 12.

Ons behaal nie die oorwinning vanuit ons gemakstoele nie! Trek die wapenrusting aan (Ef. 6:10-20), naamlik die priesterlike uitrusting van die orde van Malki-Tzedek en gaan na die oorlogsfront. Yeshua sal jou aanvoerder wees!

Gedurende ons geloofsreis gaan ons ook soos Yisra'el van ouds by 'n 'plek' aankom waar ons beproef gaan word. Elke plek moet egter net die aanvangsplek wees vir ons verdere reis na die Beloofde Land. By elke plek wat ons aandoen moet ons onthou:

The past is your lesson and the present is your gift, but the future is your motivation!

Maar dan is dit ook ewe belangrik om te besef dat *we cannot live on yesterday's glory!* Nee, want:

The thought of what has already been accomplished can be the death of that which is still to be accomplished!

Soos Yisra'el nie stadies op een plek kon bly nie, maar voortdurende gereed moes wees om saam met die wolk van heerlijkheid aan te beweeg, so kan ons nooit bekostig om in ons geloofslewe tevrede te wees met waar ons is nie. Ons passie (ywer) om יהוה Yeshua voortdurend te soek en te volg mag nooit verflou nie. Ons moet elke dag lewe met die Geesgedrewe ywer van Pingas!!

Op ons aardse reis moet ons egter altyd onthou dat ons vreemdelinge en bywoners is (Heb. 11:13; 1 Pet. 2:11). Ons tree op as gesante van Yeshua ons Meester (2 Kor. 5:20) en daarom moet ons ons van alle besoedeling van die vlees en die gees reinig en in afgesonderdheid uit respekvolle vrees vir God lewe (2 Kor. 7:1).

Op ons geloofsreis moet ons ook deur die 'wolk' van die Afgesonderde Gees gelei word (Rom. 8:1 en 4; Gal. 5:16 en 17; Efes. 4:1 tot 3).

Laat ons elkeen se getuienis ook die volgende wees:

Ek het die goeie geveg baklei, my resies voltooi en my vertroue behou. 2 Tim. 4:7.

¹As gevolg hiervan, laat ook ons, wat so 'n groot wolk van getuies rondom ons het, elke las en die sonde wat altyd gereed is vir ons, afgooi en met aanhoudende geduld die resies hardloop wat voor ons lê

²en laat ons die oë hou op Yeshua, die Ontwerper en Voltooier van ons vertroue, wat ter wille van die vreugde, die kruis verdra het, die skande ignoreer het en sit op die regterkant van die troon van God. Heb. 12:1-2.

Bepeins of Bespreek

1. Is een van ons grootste probleme nie juis die feit dat ons vermaak en gemaksgoed kies eerder as om Yeshua se opdrag in Matt. 28:18-20 uit te voer? A.W. Tozer beskryf hierdie probleem soos volg:

THE ANATHEMA of ENTERTAINMENT

In our day we must be dramatic about everything. We don't want God to work unless He can make a theatrical production of it. We want Him to come dressed in costumes with a beard and with a staff. We want Him to play a part according to our ideas. Some of us even demand that He provide a colourful setting and fireworks as well!

Then there are some among us these days who have to depend upon truckloads of gadgets to get their religion going, and I am tempted to ask: What will they do when they don't have the help of the trappings and gadgets? The truck can't come along where they are going!

For there are millions who cannot live without amusement; life without some form of entertainment for them is simply intolerable; they look forward to the blessed relief afforded by professional entertainers and other forms of psychological narcotics as a dope addict looks to his daily shot of heroin. Without them they could not summon courage to face existence.

We now demand glamour and fast flowing dramatic action. A generation of Christians reared among push buttons and automatic-machines are impatient of slower and less direct methods of reaching their goals. We have been trying to apply machine-age methods to our relations with God. We read our chapter, have our short devotions and rush away, hoping to make up for our deep inward bankruptcy by attending another gospel meeting or listening to another thrilling story told by a religious adventurer lately returned from afar.

The tragic results of this spirit are all about us: shallow loves, hollow religious philosophies, the preponderance of the element of fun in gospel meetings, the glorification of men, trust in religious externalities, quasi-religious fellowships, salesmanship methods, the mistaking of dynamic personality for the power of the Spirit. These, and such as these, are the symptoms of an evil disease, a deep and serious malady of the soul.

Is ons nie ook hieraan skuldig nie? Onthou Yeshua se opdrag is *gaan dan heen....!* Die opdrag behels veel meer as om by die huis te sit en Torah te bestudeer en een keer per week 'n Torah studiegroep of Shabbatbyeenkoms by te woon!

2. Die volgende kort video van Paul Washer is die moeite werd om te kyk en om perspektief te kry oor wat ons roeping vereis. www.youtube.com/watch?v=Cln0CI_-a7M

יהוה Deleeger Sy Gesag

Regdeur die Skrifte sien ons talle voorbeelde van יהוה wat Sy gesag aan mense deleeger en hulle dan aanspreeklik hou vir die hantering en toepassing van daardie gesag. Gedeleegerde gesag is om die volmag te ontvang om namens die persoon aan wie die gesag behoort, op te tree ten opsigte van, of in 'n bepaalde situasie. Gedeleegerde gesag bring altyd verantwoordelikheid en aanspreeklikheid teenoor die een aan wie die gesag behoort.

יהוה se gedeleegerde gesag moet altyd binne die raamwerk (grense) van Torah hanteer en toegepas word. Die een aan wie יהוה die gesag gee moet uiteraard self onderdanig wees aan יהוה se onderrig en instruksies soos dit in Yeshua volbring is.

Die eerste voorbeeld van יהוה se gedeleegerde gesag vind ons in die tuin van Eden toe יהוה aan die mens die gesag gegee het om te heers oor Sy skepping:

God het gesê: "Laat Ons die mens maak na Ons beeld, net soos Ons en laat hulle heers oor die visse van die see, die voëls van die hemel, die vee en oor die hele aarde en oor al die diere wat op die aarde beweeg." Gen. 1:26.

Ons sien ook hierdie gedeleegerde gesag in Gen. 2:15 toe יהוה aan die mens gesê het om die tuin te bewerk en te bewaak.

Toe het יהוה-God, die mens gevat en hom in die tuin van `Eden gesit om dit om te spit en te beskerm. Gen. 2:15.

יהוה het aan die mens die gesag gegee om namens Hom om te sien na Sy skepping deur dit eerstens *om te spit (te bewerk)*. Die Hebreeuse woord is *avad* en beteken om as dienskneg te arbeid. En, tweedens, om יהוה se skepping te *beskerm (te bewaak; Hebreeus sh'mar)*, naamlik om dit te beskerm en behoue te laat bly.

Die Hebreus vir *heers* in Gen. 1:26 is *radah* en beteken om יהוה se Skepping tot onderdanigheid (diensbaarheid) aan יהוה te bring. Die klem is egter op diensbaarheid. Dit moet gesien word in die lig daarvan dat alles wat יהוה geskape het 'n doel dien. Die mens moet dus op 'n wyse heers sodat die doel van alles wat יהוה geskape het tot nut van alles wat geskape is sal wees en sonder dat dit wat יהוה geskape het tot niet sal gaan. Opgesom: Aan die mens is die gesag gegee om die Skepping te bewerk en dit te bewaar!!

יהוה-God het hierdie gedelegeerde gesag nooit teruggetrek nie en daarom sal die mensdom tot die oordeelsdag aanspreeklik gehou word vir die wyse wat hierdie gesag gebruik is – of eerder misbruik is!

Die sondeval was die begin dat die mens op die *bewerk* die klem gelê het en met tyd nie meer tot voordeel van almal nie, maar vir eie gewin! Daarom het die *bewaar* toenemend agterweë gebly! Gevolglik is die wêreld vandag in die situasie waar natuurlike hulpbronne toenemend uitgeput word en sommige reeds feitlik totaal uitgeput is. Die mensdom is grootliks op 'n pad van selfvernietiging! Die rede? Die mensdom het die aarde bewerk, maar nie bewaar nie!

Dit is ook belangrik om te verstaan dat die mens nie aangestel is om oor ander mense te heers (*radah*) nie. Nee, want יהוה Yeshua is ewige koning en Hy alleen heers oor alle mense. Diegene wat יהוה wel oor ander aangestel het, moet heers deur dié te dien oor wie hulle aangestel is!! Yeshua is ons voorbeeld:

25Yeshua het hulle geroep en vir hulle gesê: “Julle weet dat die heersers van die nasies baas speel oor hulle en die leiers outoriteit het oor hulle,

26maar só moet dit onder julle nie wees nie, maar elkeen wat onder julle groot wil word, moet julle dienaar wees

27en wie ook al tussen julle die eerste wil wees, moet julle slaaf wees;

28net soos die Seun van die mens nie gekom het om bedien te word nie, maar om te dien en Homself as 'n Losprys vir baie te gee.” Matt. 20:25 tot 28.

Dit bring ons dan by die naam van Parashah 42, naamlik *mattot*, en wat verwys na die hoofde van die twaalf stamme as die gesagsowerhede wat oor Yisra'el aangestel is volgens יהוה se gesagstruktuur. Daarom is die betekenis van *mattot* ook 'n *staf*, verwysend na gesag (outoriteit), asook as 'n *tugroede* of *meetroede*. Moses het dus met die aangestelde gesagsowerhede van Yisra'el gepraat en aan hulle die laaste onderrig gegee voor Yisra'el die Beloofde Land in besit sou neem.

Authority does not make you a leader. It gives you the opportunity to be one..!

יהוה is die Oppergesag – die Wetgewer wat alle natuurwette en geestelike wette geskep het en wat dit alles in stand hou deur die Boodschap van Sy wonderwerkende krag (Heb. 1:3). יהוה delegeer Sy gesag aan diegene wat bereid is om onder Sy gesag te staan. Maar ons moet ook beseef dat יהוה sekere gesagstrukture geskep het waarin die mens 'outomaties' aangestel word.

Een so 'n voorbeeld is die feit dat יהוה sy gesag aan die man as die hoof van die huis gedelegeer het. Die man moet dus as die hoof van die huis namens יהוה heers op 'n wyse wat tot almal se voordeel sal strek. Dit is nie 'n geval van 'n keuse deur die man en vader nie! Nee, volgens יהוה se gesagstruktuur is die man die hoof van sy huis en sal hy daarvoor aanspreeklik gehou word.

Die man moet op dieselfde wyse oor sy huis heers as wat Yeshua oor die gemeente heers, naamlik deur sy vrou en kinders te dien en sy lewe vir hulle af te lê! Paulus verduidelik יהיה se gesagstruktuur in gesinsverband soos volg in Efes. 5:22-31:

- 22Vroue, wees aan julle eie mans gehoorsaam, net soos aan ons Meester,
 23want die man is die hoof van die vrou, net soos dié Gesalfde Een ook Hoof is van die gemeente en Hy is die Redder van die liggaam,
 24maar soos die gemeente aan dié Gesalfde Een gehoorsaam is, op dieselfde manier moet die vrou ook, in alles, aan hul eie mans wees.
 25Mans julle moet julle eie vroue liefhê, net soos dié Gesalfde Een ook die gemeente liefgehad en Homself om haar ontwil oorgegee het,
 26om dit af te sonder en te reinig in die wassing met water (Mikveh) en in die Woord
 27en Hy sal die gemeente vir Hom bevestig, wanneer dit vol lof en eer, sonder vlek of kreukel of enige iets soortgelyks is, maar dit moet afgesonderd en sonder fout wees.
 28Op dié manier moet mans hulle eie vroue liefhê soos hul eie liggame. Wie sy eie vrou liefhet, het homself lief,
 29want niemand het ooit sy eie liggaam gehaat nie, maar hy voed en sorg vir sy eie, net soos die Meester vir die gemeente,
 30want ons is ledemate van Sy liggaam, van Sy vlees en van Sy bene.
 31“Die man moet daarom sy vader en sy moeder verlaat en hom aan sy vrou verbind en hulle twee sal een liggaam wees.”

In die lig van bogenoemde kan ons Num. 30:1-16 verstaan, naamlik die onderrig en instruksies oor geloftes en eedswering wat deur vroue gemaak word.

Eerstens leer Torah ons dat ‘n persoon (almal) wat ‘n gelofte doen of ‘n eed sweer wetlik en moreel verplig is om daarvolgens te handel.

Wanneer iemand aan יהיה ‘n gelofte doen of ‘n eed sweer waardeur hy homself tot iets verbind, moet hy sy woord nie breek nie; hy moet alles doen wat uit sy mond uitgaan. Num. 30:2.

Dit is egter belangrik om die verskil tussen ‘n gelofte en ‘n eedswering te verstaan, naamlik:

- ❖ ‘n Gelofte (Hebreeus: *nader*) is ‘n vrywillige belofte (gewoonlik aan יהיה) waarvolgens nougeset gehandel moet word, want dit is bindend en vergelykbaar met ‘n skuldbrief (‘n verpligting, ‘n verband, ‘n obligasie, ‘n pandbrief).
- ❖ ‘n Eedswering (Hebreeus: *shavah*) is ‘n gelofte (belofte) wat gemaak word in die teenwoordigheid van die hoogste gesag wat as getuie teenwoordig is. Dit is ‘n verklaring van die waarheid, naamlik van dit wat was, dit wat is en van dit wat sal wees. Die Hebreeus *shavah* is afgelei van *shevah* wat sewe beteken en dus na die volmaakte verwys. Eedswering is dus gelykstaande aan ‘n gelofte wat jy sewe keer maak!!

Geloftes en eedsweringe is dus woorde wat uit ons mond gaan en daarom moet ons alles doen wat ons sê. Deut. 23:21 tot 23 dien as bevestiging van Num. 30:2, naamlik:

- 21Wanneer jy aan יהיה, jou God, ‘n gelofte doen, moet jy nie uitstel om dit te betaal nie, want dit sal sonde in jou wees en יהיה, jou God, sal dit sekerlik van jou vereis;
 22daarenteen, as jy nalaat om te belowe, sal dit geen sonde in jou wees nie.

²³Jy moet versigtig wees om te doen wat oor jou lippe gaan, net soos jy aan יהוה, jou God, vrywillig oorgegee het, wat jy belooft het.

Tydens Yeshua se bergpredikasie het Hy ook na geloftes en eedsweringe verwys toe Hy gesê het:

³³Verder het julle gehoor dat aan die mense van die ou tyd gesê is: ‘Jy moenie jou eed verbreek nie,’ en, ‘jy moet jou beloftes aan יהוה hou,’

³⁴maar Ek sê vir julle: ‘Lê hoegenaamd nie ’n eed af “by die hemel” nie omdat dit die troon van God is;

³⁵ook nie “by die aarde” nie omdat dit Sy voetstoel is; ook nie “by Yerushalayim” nie omdat dit die stad van die groot Koning is

³⁶en moet ook nie by jou kop ’n eed aflê nie omdat jy nie een haar wit of swart kan maak nie.

³⁷Laat slegs julle ‘Ja’ ’n eenvoudige ‘Ja’ wees en julle ‘Nee’ eenvoudig ‘Nee’. Enige iets meer as dit het sy oorsprong in die Bose een.’ Matt. 5:33 tot 37.

Elke mens is gebind deur die woorde van sy mond! Dit is die wysheid van Salomo toe hy ook gesê het:

¹⁹Die bese kan nie bevry word deur ’n oorvloed van woorde nie, maar hy wat sy lippe inhou, is wys.

²⁰Die tong van die regverdige is soos uitgesoekte silwer; die verstand, wil en emosie van die bese is vol bitterheid.

²¹Die lippe van die regverdige is vol onverdiende guns, maar die dwase sterf deur die gebrek aan wysheid. Spr. 10:19-21.

²⁰’n Man se maag sal versadig word deur die vrug van sy mond en deur die vrug van sy lippe sal hy vol gemaak word. ²¹Dood en lewe is in die mag van die tong en hulle wat dit liefhet, sal die vrug daarvan eet. Spr. 18:20-21.

Elke mens sal die gevolge dra van sy woorde, want dood en lewe is in die mag van die tong. Aansluitend hierby het Yeshua ook gesê:

³⁶want Ek sê vir julle dat van elke waardelose woord wat mense praat, sal hulle ’n antwoord moet gee in die oordeelsdag,

³⁷want deur jou woorde sal jy onskuldig beskou word en deur jou woorde sal jy skuldig bevind word.” Matt. 12:36 en 37.

Die hoof van die huis

יהוה ons Vader en God is die hoof van Sy huis en huishouding. Wanneer ons gehoorsame kinders van יהוה is, sal ons ook soos Dawid kan sê:

U goedheid en onverdiende guns sal my sekerlik volg al die dae van my lewe en ek sal vir ewig in die huis van יהוה bly. Ps.23:6.

In die verhouding wat deur die huwelik tot stand kom, het beide man en vrou ’n spesifieke rol om te speel en ’n bydrae om te lewer volgens יהוה se plan. Die fondament waarop hierdie rolverdeling gebou word, is egter die feit dat יהוה die man as die hoof van die vrou aangestel het en dat die vrou derhalwe aan haar man onderdanig moet wees.

Dit is יהוה se gesagsorde en יהוה se gedelegeerde gesag aan die man is nie op verdienste gegrond nie! Alvorens `n man in die huwelik tree moet hy derhalwe seker wees dat hy verstaan wat hierdie verantwoordelikheid behels en dat hy bereid is om dit te aanvaar. Soos reeds verduidelik hou יהוה die man aanspreeklik ongeag of die man יהוה as God en Yeshua as dié Gesalfde Een erken of nie.

Deel van יהוה se gedelegeerde gesag wat aan die man as hoof van sy huis gegee is, is die vetoreg (kanselleringsreg) oor 'n gelofte of eedswering of dit wat onverskillig uitgespreek is deur sy vrou of dogter.

Volgens Num. 30:3-5 het die vader die gesag om sy ongetroude dogter se gelofte en eedswering tot niet te verklaar, maar hy moet dit doen op die dag wat hy daarvan hoor.

³Wanneer 'n vrou aan יהוה'n gelofte gedoen het of haarself tot iets verbind het terwyl sy jonk was in haar vader se huis en haar vader van haar gelofte hoor of van die verbintenis waartoe sy haarself verbind het

⁴en haar vader oor haar stilgebly het, dan sal al haar geloftes staan en elke verbintenis waartoe sy haarself verbind het, sal staan,

⁵maar as haar vader haar verbied op die dag dat hy daarvan hoor, sal geen van haar geloftes en verbintenisse waartoe sy haarself verbind het, staan nie en יהוה sal haar vergewe omdat haar vader haar verbied het. Num. 30:3 tot 5.

Indien hy dit nie doen nie, sal die dogter se geloftes en eedsweringe van krag bly en sal sy dus aanspreeklik gehou word.

Volgens Num. 30:6-14 geld dieselfde ten opsigte van die getroude vrou:

¹²As haar man die dinge uitdruklik verbreek op die dag dat hy daarvan hoor, sal niks van alles wat oor haar lippe uitgegaan het, van haar geloftes of van dit waartoe sy haarself verbind het, staan nie; haar man het dit verbreek en יהוה sal haar dit vergewe.

¹³Elke gelofte, elke eed en elke verbintenis om haarself te verneder; haar man sal dit laat vasstaan, of haar man kan dit vernietig. Num. 30:12-13

Sou die man egter op 'n later stadium van mening verander en sy kanselleringsreg dan gebruik, is dit te laat en sal hy aanspreeklik gehou word vir sy vrou en dogter se skuld van geloftes en eedswerings wat nie nagekom is nie!

As haar man van dag tot dag heeltemal stilbly teenoor haar, dan het hy al haar geloftes en alles waartoe sy haarself verbind het, bevestig; hy het dit bevestig, want hy het stilgebly teenoor haar op die dag dat hy daarvan gehoor het. As hy dit duidelik tot niet maak nadat hy daarvan gehoor het, dan dra hy haar skuld.” Num. 30:15.

Hierdie gedelegeerde gesag het יהוה aan die eggenoot en vader gegee om sy vrou en dogter te beskerm teen onverskillige geloftes en eedsweringe!

Ons moet verstaan dat יהוה sal altyd Sy gedelegeerde gesag eerbiedig. יהוה se gedelegeerde gesag kan nie omseil word nie. Daarom moet die vrou aan haar man en die dogter (terwyl sy in haar ouers huis bly) aan haar vader onderdanig wees, want hy is יהוה se aangestelde gesag.

Hierdie is ook bevestiging van die orde wat Vader-God in 'n huishouding vereis. Die man (vader) is aangestel as hoof van die huishouding en moet te alle tye volgens Torah-beginsels sy huishouding namens Vader-God versorg, naamlik onderrig, voorsien en beskerm. Hy is dienskneg van יהוה wat die gesag ontvang het om te heers oor sy huis deur hulle te dien!

Paulus het gedelegeerde gesag verstaan en daarom het hy in sy brief aan die Romeine geskryf:

- ¹Elke gees moet aan die hoër outoriteite gehoorsaam wees, want daar is geen outoriteit as dit nie vanaf God is nie en daardie selfde outoriteit, wat van God is, is onder bevel.
- ²Wie ook al teenoor die outoriteite staan, staan daarom teenoor die opdragte van God en die wat dit teëstaan, sal hulle oordeel ontvang,
- ³want die regters hou geen vrees in vir hulle wat goed doen nie, maar vir die bose. As jy nie bang wil wees vir die outoriteit nie, doen wat goed is en jy sal lof van hom af ontvang,
- ⁴want hy is die uitvoerder van God vir jou ten goede, maar as jy doen wat boos is, wees dan bang, want hy dra nie verniet die swaard nie, want hy is 'n uitvoerder van God, 'n vergelder van die woede, om die een wat boosheid doen, te straf.
- ⁵As gevolg hiervan is dit noodsaaklik vir ons om gehoorsaam te wees, nie alleen ter wille van die wraak nie, maar ter wille van die gewete,
- ⁶want daarom betaal julle ook belasting, want hulle is uitvoerders van God wat vir hierdie dinge aangestel is.
- ⁷Beloon daarom elke persoon soos wat aan hom verskuldig is: belasting aan die waaraan belasting verskuldig is, invoerbelasting aan die waaraan invoerbelasting verskuldig is; respek aan dié wat respek toekom, eer aan dié wat eer toekom. Rom. 13:1 tot 7.

יהוה se onderrig oor geloftes en eedswering gee vir ons ook insae in die hoedanighede van Vader-God. Indien יהוה ons opdrag gee om te handel volgens ons geloftes en eedswerings, dan beteken dit dat Hy ook getrou sal wees aan al Sy Woorde. Dit wat יהוה gespreek het staan vir ewig vas en hy is wakker oor Sy Woord om dit te volbring (Jer. 1:12). יהוה is nie 'n mens dat Hy sal lieg nie (Num. 23:19) – dit wat Hy spreek sal Hy waar maak!! By die Vader van Lig is daar geen verandering of skaduwee van omkering nie (Jak. 1:17).

'n Gelofte en 'n eedswering is vir ewig van krag. Daarom sê dit in Num. 30:2 dat ons nie ons woord mag breek nie, maar moet handel volgens die woorde wat uit ons mond uitgaan. Die geloftes en eedswering van ons ouers en grootouers is dus ook ewig van krag en ons as nageslag word gebind deur enige geloftes en eedsweringe van ons voorouers wat nie nagekom was nie.

Voorbeeld uit die Skrifte

In Rigters 11:30 tot 40 lees ons van die gelofte wat Yiftag (Jefta) gemaak het voordat hy in 'n oorlog met die Ammoniete betrokke geraak het:

- ³⁰Yiftag het 'n gelofte aan יהוה gedoen en gesê: “As U waarlik die seuns van `Ammon in my hand gee,
- ³¹dan sal dit wees dat wat ook al uitkom uit die deure van my huis om my te ontmoet, as ek in vrede terugkom van die kinders van `Ammon, aan יהוה sal behoort en ek sal dit as 'n brandoffer offer.” Rigters 11:30-31.

יהוה het die Ammoniete in die hand van Jefta gegee en hy het hulle verslaan. Maar dan lees ons:

- ³⁴Toe Yiftag in Mitzpah by sy huis kom, let op, het sy dogter uitgekom om hom te ontmoet met tamboeryn en dans. Sy was sy absoluut enigste kind; behalwe vir haar het hy geen seun of dogter gehad nie.

³⁵Toe hy haar sien, skeur hy sy klere en sê: “Ag, my dogter! Jy laat my baie laag neerbuig en jy is tussen hulle wat vir my moeilikheid bring, want ek het my woord aan יהוה gegee en ek kan dit nie terugtrek nie.” Rigters 11:34-35.

Dat ‘n gelofte en eedswering bindend is, is duidelik volgens die woorde van Jefta aan sy dogter: *Jy laat my baie laag neerbuig en jy is tussen hulle wat vir my moeilikheid bring, want ek het my woord aan יהוה gegee en ek kan dit nie terugtrek nie.* Maar dit is ook duidelik volgens die woorde van sy dogter aan hom toe sy gesê het:

“My vader, u het u woord aan יהוה gegee; doen aan my soos u gesê het, aangesien יהוה u gewreek het op u vyande, die seuns van `Ammon.” Rigters 11:36

Wedergeboorte

Wedergeboorte is ook ‘n gelofte en eedswering wat ons elkeen gemaak het.

⁹As jy met jou mond ons Meester, Yeshua, verklaar en met jou verstand, wil en emosie vertrou dat God Hom uit die dood uit opgewek het, sal jy lewe hê,

¹⁰want die verstand, wil en emosie wat in Hom vertrou, is onskuldig verklaar en die mond wat Hom bely, lewe. Rom. 10:9-10

Die dag toe ons met ons mond bely het, en met ons hart geglo het dat Yeshua dié Gesalfde Een is wat gekruisig was en uit die dood opgestaan het, het ons vrywillig ‘n belofte gemaak om in alles aan יהוה gehoorsaam te wees soos in Yeshua volbring is en in die Skrifte van die nuwe verbond uiteengesit word. Ons elkeen het dit gedoen in die teenwoordigheid van die hoogste gesag wat as getuie teenwoordig was.

Met wedergeboorte ontvang ons die gesag wat Yeshua aan Sy studentevolgelinge gegee het toe Hy aan hulle gesê het:

¹⁸“Alle outoriteit in die hemel en op aarde is aan My gegee en soos die Vader My gestuur het, so stuur Ek julle.

¹⁹Gaan daarvolgens, maak studentevolgelinge van al die nasies, doop hulle in die Outoriteit en Karakter van die Vader en die Seun en die Gees van Afsondering

²⁰en onderrig hulle sodat hulle alles sal gehoorsaam wat Ek julle beveel het en let op, Ek is saam met julle al die dae tot aan die einde van die heelal. Dit is waar.” Matt. 28:18-20.

Met wedergeboorte word ons aangestel as studentevolgelinge en met hierdie aanstelling ontvang ons ook die opdrag en die gesag wat Yeshua aan elkeen gee. Dit is deel van die gelofte en eedswering wat ons elkeen afgelê het, naamlik dat ons voortaan sal lewe soos Yeshua gelewe het:

³Hieraan weet ons dat ons Hom ken, as ons Sy opdragte uitvoer.

⁴Hy wat sê: ‘Ek ken Hom’ en Sy opdragte nie uitvoer nie, is ’n leuenaar en die waarheid is nie in hom nie,

⁵maar wie ook al Sy woorde voortdurend uitvoer, in hom het die liefde van God waarlik volmaak geword, want hieraan weet ons dat ons in Hom is:

⁶hy wat sê dat hy voortdurend in Hom bly, vir hom is dit nodig om so te leef soos wat Hy geleef het. 1 Joh. 2:3-6.

Bepeins of Bespreek

1. Het Jefta sy dogter as brandoffer aan יהוה geoffer? Is 'n menslike brandoffer (*olah* – Lev. 1:1 tot 17) vir יהוה aanvaarbaar of is dit 'n gruwel (Lev. 18:21)? Is die antwoord volgens Rigters 11:37-40 dat sy nooit getrou het nie en dat Jefta se nageslag by sy dogter geëindig het? Is dit die offer wat Jefta gebring het?
2. Elkeen is verantwoordelik om oor sy eie lewe en omstandighede te heers! Is dit moontlik? Hoe kan ons dit doen? Is deel van die antwoord in Joh. 14:23 en Jak. 4:7. Heers ons deur ons woorde?

ELKE WOORD wat gesprek word deur die Almagtige of deur 'n mens wat na Sy beeld geskape is, is 'n saad. Die oomblik wat 'n woord gesprek word is dit 'n saad wat gesaai word. Sodra 'n woord gesaai (gespreek) word dan sterf dit – dis klaar uit die mond en in die land (grond) van die wêreld geplant. Dit sterf dan en sal veel vrug dra. Dit is ook die rede waarom 'n woord wat reeds gesprek is nie teruggetrek kan word nie. Dit is onmoontlik om koring wat alreeds in 'n land gesaai is weer bymekaar te maak. Elke gesaaide woordsaad sal uiteindelik vrugte voortbring. Hierdie vrugte sal of goeie of slegte vrugte wees afhange van of dit goeie of slegte woorde was wat uit die mond gekom het (Johann Möller).

Het ons nie almal genesing van die tong nodig nie, want hoe dikwels is ons woorde saad wat die vrugte van dood voortbring? Ons kies lewe of dood deur die woorde van ons mond! Lees Jak. 3:1 tot 12 – beheersing van die tong.

3. Wat van die weduwee wat geloftes en eedsweringe maak (Num. 30:9). Sy staan onder geen gesag van 'n man nie. Is יהוה haar 'man' en 'vader' en moet sy op die Afgesonderde Gees vertrou om haar te herinner aan onverskillige geloftes en eedsweringe sodat sy direk by die Vader om vergifnis kan vra?
4. Wat van die geloftes en eedswering van ons ouers en grootouers wat nie nagekom was nie? Kan dit bindinge op ons eie lewe wees? Moet ons by die Vader om vergifnis vra hulle dade? Moet ons op die Afgesonderde Gees vertrou om ons te herinner aan onverskillige geloftes en eedsweringe van ons voorgeslagte?

Gebreekte Reënbakke Wat Geen Water Hou Nie.

Die laaste woorde in die boek van Numeri lees soos volg:

Hierdie is die opdragte en die wette wat יהוה die seuns van Yisra'el beveel het deur die hand van Moshe, in die vlaktes van Mo'av by die Yarden oorkant Yerigo. Num. 36:13.

Moses het Yisra'el in יהוה se Torah onderrig sodat wanneer hulle Kena'an in besit neem, hulle alles moet toepas wat Moses hulle geleer het.

Dit het Yisra'el een reistog vanaf Raamses na Sukkot geneem om uit Mitzrayim te kom. Die ander 41 reistogte was die pad na Kena'an waartydens Moses vir Yisra'el onderrig het in Torah en waartydens hulle prakties moes leer alvorens hulle Kena'an in besit kon neem. Die 41 reistogte in die wildernis moet dus gesien word as die proses om Mitzrayim uit Yisra'el te kry en uiteindelik totale vryheid in Kena'an deelagtig te wees. Elke reistog kan gesien word as 'n sinnebeeld van 'n beproewing en 'n bevryding om uiteindelik Kena'an in besit te neem.

Wanneer Yisra'el die land Kena'an binnegaan, sou hulle beproef word of hulle geleer het uit al hulle foute en of hulle die Torah van Moses nougeset en regverdig sal toepas. So word ons

ook daaglikse getoets of ons יהיה se Torah, soos dit in Yeshua volbring is en in die Skrifte van die nuwe verbond uiteengesit word (die Torah van dié Gesalfde Een), nougeset en regverdig in ons alledaagse lewe sal toepas! Daarom het Paulus aan Timotheus hierdie woorde geskryf:

¹⁵Let op jouself, dat jy jouself volmaak voor God aanbied, as 'n werker wat hom nie hoef te skaam nie, wat die boodskap van die waarheid reguit verkondig
¹⁶en leë, vrugtelose praatjies vermy, want hulle sal al meer by hulle boosheid byvoeg, hulle wat daarin praat. 2 Tim. 2:15 en 16.

Maar in dieselfde brief herinner Paulus vir Timotheus aan die volgende:

¹²Almal wat kies om in die aanbidding van God, in eenheid met Yeshua, Die Gesalfde Een te leef, word vervolgd,
¹³maar bose mense en verleiers sal byvoeg by hulle boosheid, soos hulle afdwaal en mislei.
¹⁴Bly jy egter in daardie dinge wat jy geleer het en waarvan jy seker is omdat jy weet van wie jy geleer het
¹⁵en omdat jy van kindsbeen af die afgesonderde Geskifte geleer is wat jou wys kan maak tot die Lewe in die vertroue van Yeshua, Die Gesalfde Een. 2 Tim. 3:12 tot 15.

Het Yisra'el gebly by dit wat Moses vir hulle geleer het? Het Yisra'el gebly by dit wat hulle van kindsbeen geleer het, naamlik dat die Skrifte wat die wysheid gee tot saligheid deur vertroue in Yeshua?

Ons weet wat die antwoord hierop is, naamlik dat Yisra'el nie gebly het by dit wat die Skrifte aangaande Die Gesalfde Een leer nie! Nee, Yisra'el het Yeshua verwerp! Dit ten spyte daarvan dat Yeshua vir hulle gesê het:

⁴⁵Moenie dink dat Ek julle by die Vader sal beskuldig nie. Daar is een wat julle beskuldig—Moses op wie julle gehoop het.
⁴⁶want as julle Moses geglo het, sou julle My glo, want hy het van My geskrywe. Joh. 5:45 en 46.

Daarom is die openingswoorde van hierdie week se Haftorah soos deur die profeet Jesaja gespreek is, op hedendaagse Rabbynse Judaïsme ook van toepassing:

So sê יהיה: “Watter onregverdigheid het julle vaders in My gevind, dat hulle ver van My af weggegaan en agter leegheid aan geloop het en self leeg geword het? Jer. 2:5.

Die lees van hierdie week se Torah en Haftorah is volgens Rabbynse Judaïsme tydens die Drie Weke van Smart (*Three Weeks of Sorrow*), naamlik vanaf die 17e dag van die maand Tammuz², bekend as *Tzom Tammuz* wat by wyse van 'n vas gedenk word, tot die 9e dag van die maand Av, bekend as *Tisha B'Av* (wat letterlik *die negende van Av beteken*) en ook 'n vasdag is.

Die Drie Weke van Smart wat op *Tisha B'Av* 'n hoogtepunt bereik, word as 'n herinnering van die hartseerste gebeurtenis op die Joodse kalender beskou, want deur die eeue het

² Hoe kan ons die Christendom kritiseer vir afgodery soos Kersfees en *Easter*, maar ons aanvaar Rabbynse Judaïsme se verering van die afgod Tammuz deur sy naam aan 'n maand te koppel? *Tammuz: The name of a Phoenician deity, the Adonis of the Greeks. He was originally a Sumerian or Babylonian sun-god, called Dumuzu, the husband of Ishtar, who corresponds to Aphrodite of the Greeks. This custom of weeping for Tammuz is referred to in the Bible in the only passage where the name occurs (Eze. 8:14). Considering the disgraceful and licentious rites with which the cult was celebrated, it is no wonder that Ezekiel should have taken the vision of the women weeping for Tammuz in the temple as one of the greatest abominations that could defile the Holy House.*

verskeie rampe vir Yisra'el gedurende hierdie tydperk getref, waarvan die vernietiging van die eerste en die tweede tempel as die hartseerste beskou word.

Maar die hartseer dat Judaïsme vir Yeshua as dié Gesalfde Een tydens Sy eerste koms verwerp het, is veel groter as die hartseer van die vernietiging van die tempel in die jaar 70 na dié Gesalfde Een!! Die woorde van Jesaja is ook hier van toepassing toe hy geprofeteer het:

¹²O hemele, wees verstom hieroor, sidder en wees bedroef,” verklaar יהוה,

¹³“want My volk het twee booshede gedoen: hulle het My, die Fontein van lewende water, verlaat om vir hulleself reënbakke uit te kap, gebreekte reënbakke wat geen water kan hou nie. Jer. 2:12-13.

Rabbynse Judaïsme het Yeshua, die Lewende Water verwerp en drink uit gebreekte reënbakke wat geen water kan hou nie en dus geen dors kan les nie. Daarom sê יהוה :

Jou eie boosheid sal jou reghelp en jou afvalligheid sal jou bestraf; weet dan en sien dat dit boos en bitter is vir jou om יהוה, jou God, te verlaat; My respekvolle vrees is dan nie in jou nie,” verklaar יהוה, God van die leërskaare. Jes. 2:19.

Ons moet besef dat Rabbynse Judaïsme openbaar die gees van die vals gesalfde een (die antimessias), naamlik teen Yeshua as die gekruisigde en opgestane Gesalfde van God! Daarom is dit ook nodig om onself te herinner wat die Apostel Johannes in die verband sê:

²²Wie is die leuenaar anders, as hy wat ontken dat Yeshua Die Gesalfde Een is? Dit is die vals gesalfdes: hy wat die Vader ontken, ontken ook die Seun.

²³Elkeen wat die Seun ontken, vertrou ook nie in die Vader nie. Wie ook al die Seun bely, bely ook die Vader. 1Joh. 2:22 en 23.

Rabbynse Judaïsme het hulle eie geregtigheid opgerig en ken nie die geregtigheid van God nie. Dit was in die tyd van Paulus die geval en is steeds vandag so. Soos Paulus kan ons, en behoort ons, ook te sê:

¹Broeders, die verlange van my hart en die gebed wat ek tot God vir Yisra'el doen, is tot hulle redding,

²want ek getuig van hulle dat hulle 'n ywer vir God het, maar sonder kennis,

³want omdat hulle die geregtigheid van God nie ken nie en hulle eie geregtigheid probeer oprig, het hulle hul aan die geregtigheid van God nie onderwerp nie,

⁴want Die Gesalfde Een is die einde van die wet tot geregtigheid vir elkeen wat glo. Rom. 10:1-4.

Daar sal egter 'n dag kom wanneer Rabbynse Judaïsme se geestelike blindheid genees sal word en hulle sal besef dat hulle vir meer as twee duisend jaar mislei was. Maar eers moet hulle die derde tempel bou en dan sal hulle hul misleiding besef wanneer die antimessias in die tempel van God as god sal sit en voorgee dat hy god is (2 Thess. 2:3 tot 5).

So sal die dag kom wanneer Rabbynse Judaïsme die knie sal buig voor Die Gesalfde Een van יהוה wat deur hulle voorgeslagte verwerp was. Dan sal hulle die ware Karakter en Outoriteit van Yeshua ken:

⁵Hierdie gesindheid moet in julle wees wat ook in Die Gesalfde Een, Yeshua, is,

⁶Hy wat, terwyl Hy die afbeelding van God was, dit geen roof geag het om soos God te wees nie,

⁷maar Homself gestroop en die gestalte van 'n slaaf aangeneem het in die vorm van 'n mens en gevind is in die gedaante van 'n man:

⁸Hy het Homself verneder en was gehoorsaam tot die dood toe, die dood deur gekruisig te word.

⁹God het Hom daarom ook tot die hoogste plek opgelig en aan Hom die Karakter en Outoriteit (Naam) gegee wat bo elke karakter en outoriteit (naam) is

¹⁰sodat elke knie sal buig tot eer van die Karakter en Outoriteit (Naam) wat aan Yeshua gegee is, dié wat in die hemel en dié wat op die aarde en dié wat onder die aarde is

¹¹en elke tong sal erken dat Yeshua, Die Gesalfde Een, Die Meester is, tot eer, lof en aanbidding van God-die-Vader. Fil. 2:5 tot 11.

Bepeins of Bespreek

1. Terwyl Rabbynse Judaïsme tydens die Drie Weke van Smart tot die 9 van Av rou oor die tempel wat vernietig is en met verlange uitsien dat die derde tempel binnekort gebou word, moet ons voorbidding doen dat ons broers van die huis van Juda se oë sal oopgaan voor יהוה se genadetyd verby is!
2. Min besef die volgende:
 - Die Derde Tempel gaan gebou word deur Rabbynse Judaïsme wat Yeshua as dié Gesalfde Een verwerp en
 - wat waarskynlik internasionale ondersteuning sal kry van lande, organisasies, Christene en groepe waarvan die meeste Yeshua en יהוה se Torah verwerp.
 - Hierdie is die gees van die antimessias, en talle mense gaan mislei word!!
3. Die Levitiese priesterorde met die hoëpriester wat Rabbynse Judaïsme sal aanstel om diens te doen in die derde tempel, verwerp Yeshua! Gaan jy onder hierdie priesterorde dien of onder ons Ewige Hoofpriester Yeshua volgens die orde van Malki-Tzedek?

-0-0-0-0-0-0-0-

Ontvang יהוה se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom.

Johan.

Epos: kontak@nuwelielied.info

Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.